

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-45-562920
Sarajevo, 08.05.2020 godine

Na osnovu člana 70. Zakona o javnim nabavkama ("Službeni glasnik", br. 39/14), člana 14. Pravilnika o nabavci roba, uvršenju usluga i ustupanju radova br. 09-05-26263/15 od 27.11.2015 godine, Pravilnika o izmjenama i dopunama Pravilnika o nabavci roba, uvršenju usluga i ustupanju radova br. 02/12-05-10708/18 od 16.05.2018. godine, člana 3. Pravilnikom o uvjetima i načinu korištenja E-aukcije u predmetu javne nabavke- "Nabavka usluge registracije i tehnički pregled motornih vozila "(Konkurentski postupak, obavještenje objavljeno na portalu javnih nabavki 422-7-2-58-3-44/20 od 18.03.2020. godine/ e aukcija, po preporuci Komisije za javne nabavke roba i usluga od 06.05. 2020. godine, Općinski načelnik, donosi

ODLUKU

1. Prihvata se ponuda ponuđača CENTROTRANS EUROLINES d.d. Sarajevo u predmetu javne nabavke "Nabavka usluge registracije i tehnički pregled motornih vozila "(Konkurentski postupak, obavještenje objavljeno na portalu javnih nabavki 422-7-2-58-3-44/20 od 18.03.2020. godine/ e aukcija, sa ukupnim iznosom ponude 9.410,86 KM sa PDV-om .
2. Zadužuje se Služba za zajedničke poslove, da obavjesti učesnike u konkurentskom postupku o donošenju Odluke o rezultatima okončanog postupka javne nabavke i izboru najpovoljnijeg ponuđača i zaključi ugovor po konačnosti iste u skladu sa članom 72. Zakona o javnim nabavkama.
3. Obavezuje se ponuđač iz člana 1. ove Odluke da u roku od 5 (pet) dana od zaprimanja iste, dostavi dokumente koji se odnose na član 45. stav 2. tačka od a) do d) Zakona. Dokazi koji se zahtijevaju moraju biti original ili ovjerene kopije, i ne mogu biti stariji od 3 mjeseca računajući od momenta predaje ponude.
4. Protiv ove Odluke dozvoljena je žalba u roku od 5 dana od dana prijema iste, a koja odlaže izvršenje.

Obrazloženje

Postupak javne nabavke - "Nabavka usluge registracije i tehnički pregled motornih vozila, pokrenut je na osnovu Odluke o pokretanju postupka javne nabavke u skladu sa članom 18. stav 1. Zakona o javnim nabavkama.

Zapisnikom o otvaranju ponuda od 01.04.2020. godine konstatovano je da su pristigle tri ponude i to ponude ponuđača:

1. AHMETSPAHIĆ PETROL d.o.o. Sarajevo, sa ponudom u ukupnom iznosu od 8.889,21 KM sa PDV-om,
2. CENTROTRANS EUROLINES d.d. Sarajevo, sa ponudom u iznosu od 9.410,86 KM sa PDV-om,
3. OSING osiguranje inženjering d.o.o. Sarajevo, sa ponudom u ukupom iznosu od 9.815,72 KM sa PDV-om,

U postupku analize ponuda, Komisija je detaljnom analizom dokumentacije kojom su ponuđači dokazali svoje kvalifikacije za učešće u ovom postupku, utvrdila:

- da ponuda ponuđača CENTROTRANS EUROLINES d.d. Sarajevo ispunjava uslove specificirane tenderskom dokumentacijom,

- da ponude ponuđača AHMETSPAHIĆ PETROL d.o.o. Sarajevo i OSING OSIGURANJE INŽINJERING d.o.o. Sarajevo ne ispunjavaju uslove specificirane tenderskom dokumentacijom kako slijedi:

Ponuda AHMETSPAHIĆ PETROL d.o.o. Sarajevo ne ispunjava uslove iz tačke 3.2.1. pod 2) – Aneks 3. tenderske dokumentacije, obzirom da u Obrazacu za cijenu ponude - usluge „Specifikacija motornih vozila, tehnički pregled i ostali troškovi registracije“, za stavke pod rednim brojem 9. Rovokopač i 11. TP Traktor, nije ponuđena cijena u skladu sa zakonskim i podzakonskim propisima kojima su definisani troškovi i naknade za registraciju i tehnički pregleda vozila. Ponuđena cijena ne sadrži ukupne (stvarne) troškove registracije vozila koji su definisani tenderskom dokumentacijom (naknada za javne ceste, naknada za okoliš, vodna naknada, tehnički pregled i eko test, pomoć na cesti, stikeri idr...).

Ponuda OSING osiguranje inženjering d.o.o. Sarajevo ne ispunjava uslove:

iz tačke 3.2.1. pod 1) – Aneks 2. tenderske dokumentacije, obzirom da pod tačkom 3. PDV na cijenu ponude (sa uračunatim popustom) nije iskazan PDV- na cijenu ponude u skladu sa tačkom 3.4.1. tenderske dokumentacije a imajući u vidu da se u skladu sa Zakonom o porezu na dodatnu vrijednost obračunava PDV na usluge tehničkog pregleda i EKO testa a što je utvrđeno Pravilnikom o tehničkom pregledu vozila („Službeni glasnik BiH“, br. 33/19) i Pravilnikom o ispitivanju izduvnih gasova motornih vozila (eko test) u stanicama za tehnički pregled vozila („Službeni novine F BiH“, br. 28/06 i 2/10)

iz tačke 3.2.1. pod 6) tenderske dokumentacije „Lista izvršenih ugovora ponuđača koji su realizovani u posljednje tri godine sa vrijednostima, datumima i primaocima usluga kao dokaz da je dobavljač uspješno izvršio ugovore koji za predmet imaju ovakav ili sličan predmet nabavke zbirne vrijednosti najmanje 11.000,00 KM sa PDV- om. Uz spisak izvršenih ugovora ponuđač je dužan dostaviti potvrde za ugovore koji za predmet imaju ovakav ili sličan predmet nabavke , zbirne vrijednosti najmanje 11.000,00 KM sa PDV-om, koju je izdala ugovorna strana, a koja obavezno sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima“- nisu dostavljene potvrde o urednom izvršenju ugovora.

Obzirom da se radi o konkurentskom postupku, objavljenom na Portalu javnih nabavki, broj obavještenja 422-7-2-58-3-44/20 od 18.03.2020. godine, da su zaprimljene tri ponude od kojih jedna ispunjava uslove specificirane tenderskom dokumentacijom, kao i da je primijenjen kriterij «najniža cijene», shodno članu 64. stav 1. tačka b) Zakona o javnim nabavkama i člana 3. Pravilnikom o uvjetima i načinu korištenja e-aukcije, odlučeno je kao u dispozitivu Odluke.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za zajedničke poslove
2. U spis

